

BOSNA I HERCEGOVINA
FEDERACIJA BOSNE I HERCEGOVINE
JAVNO PREDUZEĆE
NACIONALNI PARK „UNA“ d.o.o.
Broj: 01–1755/25
Bihać, 16.06.2025. godine

Na osnovu člana 70. stav 1., 3. i 6. a u vezi sa članom 64. stav (1) tačka b Zakona o javnim nabavkama („Službeni glasnik BiH“, broj: 39/14, 59/22 i 50/24) i preporuke Komisije date u Zapisniku o pregledu i ocjeni ponuda broj: 01–1753/25 od 16.06.2025. godine, Ugovorni organ–v.d. direktora JP Nacionalni park „Una“ d.o.o. Bihać *donosi*

ODLUKU
o
izboru najpovoljnijeg ponuđača LOT–4

I

Prihvata se Preporuka Komisije za javne nabavke data u Zapisniku o pregledu i ocjeni ponuda broj: 01–1753/25 od 16.06.2025. godine te se **ugovor o nabavci usluga osiguranja posjetilaca Nacionalnog parka „Una“ LOT–4**, dodjeljuje ponuđaču **„Sarajevo osiguranje“ d.d. Sarajevo, ul. Maršala Tita 29, Sarajevo**, za ponuđenu cijenu u iznosu od **1.245,00 KM bez PDV–a**, prema Ponudi broj: 01–1611/25 predanoj dana 09.06.2025. godine u 09:32 sati.

II

Ugovor o nabavci usluga dostavit će se na potpis izabranom ponuđaču iz tačke I ove Odluke, u roku od 10 dana od dana obavještanja učesnika postupka o izboru najpovoljnijeg ponuđača.

III

Ova odluka će se dostaviti ponuđačima koji su učestvovali u postupku javne nabavke te objaviti na internetskoj stranici JP Nacionalni park „Una“ d.o.o. Bihać.

Obrazloženje:

Komisija za nabavku je postupajući po datim ovlaštenjima, na otvorenom sastanku na kojem je izvršeno javno otvaranje ponuda, održanom dana 10.06.2025. godine u 12,00 sati, konstatovala da su do krajnjeg datuma za predaju ponuda, 10.06.2025. godine do 11,30 sati, blagovremeno pristigle ponude sljedećih ponuđača:

- 1. „ASA Central osiguranje“ d.d. Sarajevo** (Ponuda broj: 01–1608/25 predana dana 09.06.2025. godine u 08:48 sati);
- 2. „Sarajevo osiguranje“ d.d. Sarajevo** (Ponuda broj: 01–1611/25 predana dana 09.06.2025. godine u 09:32 sati);

Komisija konstatuje da neblagovremeno pristiglih ponuda nema te da ostala zainteresirana lica koja su preuzela tendersku dokumentaciju, nisu predali svoje ponude.

Na zatvorenom sastanku koji je održan istog dana 10.06.2025. godine, Komisija je analizirajući priloženu dokumentaciju te provjerom njenog suštinskog sadržaja i validnosti, utvrdila da su ponuđači **„ASA Central osiguranje“ d.d. Sarajevo i „Sarajevo osiguranje“ d.d. Sarajevo** kvalificirani i da sadržaj ponude i način pripreme ponude navedenih ponuđača

odgovara svim uvjetima definiranim Tenderskom dokumentacijom broj: 01–1489/25 od 27.05.2025. godine.

Nadalje, Komisija je analizirajući cijenu ponude ponuđača „**ASA Central osiguranje**“ d.d. **Sarajevo** utvrdila da je ista za više od 20% niža od cijene drugorangirane prihvatljive ponude ponuđača „**Sarajevo osiguranje**“ d.d. **Sarajevo**.

U skladu sa navedenim, Komisija je aktom broj: 01–1647/25 od 10.06.2025. godine tražila od gore navedenog ponuđača da dostavi pismeno obrazloženje ponuđene cijene, koje može između ostalog, sadržavati i poređenje sa cijenama na tržištu, najkasnije do 13.06.2025. godine.

Budući da ponuđač „**ASA Central osiguranje**“ d.d. **Sarajevo** nije dostavio pismeno obrazloženje u pogledu neprimodno niske cijene ponude u roku koji je odredila Komisija za ovu nabavku, Komisija za nabavku je ponudu ponuđača „**ASA Central osiguranje**“ d.d. **Sarajevo**, u skladu sa članom 68. stav (4) tačka f) Zakona o javnim nabavkama, odbacila kao **nepravilnu**.

Nakon toga Komisija je utvrdila listu kvalificiranih ponuđača te finansijsku vrijednost pristiglih ponuda bez uračunatog PDV-a kako slijedi:

R/b	PONUĐAČ:	IZNOS PONUDE bez PDV-a (KM):	POPUST	IZNOS PONUDE SA POPUSTOM (KM):
01.	„ Sarajevo osiguranje “ d.d. Sarajevo	1.245,00 KM bez PDV-a	-	-

Kriterij za ocijenu ponuda kvalificiranih ponuđača koji je utvrđen tenderskom dokumentacijom je najniža cijena.

Nadalje, Komisija je konstatovala da vrijednost javne nabavke po procjeni ugovornog organa iznosi:

– **1.250,00 KM bez PDV-a**

To su sredstava planirana Planom poslovanja JP Nacionalni park „Una“ d.o.o. Bihać za 2025. godinu, Rashodi pod rednim brojem 1.2.5. i 1.2.23.

Cijeneći navedeno, Komisija za nabavku je utvrdila da se cijena ponuđača „**Sarajevo osiguranje**“ d.d. **Sarajevo** nalazi u okvirima procijenjene vrijednosti javne nabavke.

Na osnovu svega gore navedenog i preporuke Komisije date u Zapisniku o pregledu i ocjeni ponuda broj: 01–1753/25 od 16.06.2025. godine, Ugovorni organ donosi ovu Odluku o izboru najpovoljnijeg ponuđača i ugovor dodjeljuje ponuđaču „**Sarajevo osiguranje**“ d.d. **Sarajevo**, za nabavku usluga osiguranja posjetilaca Nacionalnog parka „Una“ LOT–4, za ponuđenu cijenu u iznosu od **1.245,00 KM– bez PDV-a**.

Iz navedenih razloga, primjenom člana 64. stava 1. tačka b.) Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu u pisanoj formi direktno, elektronskim putem ili preporučenom poštanskom pošiljkom najkasnije u roku od 5 (pet) dana od dana prijema ove Odluke.


v.d. Direktora:
Alen Zulić

Dostaviti:

1. „Sarajevo osiguranje“ d.d. Sarajevo, ul. Maršala Tita 29, 71 000 Sarajevo;
2. „ASA Central osiguranje“ d.d., ul. Trg međunarodnog prijateljstva 25, 71 000 Sarajevo;
3. Komisiji – u spis;
4. a/a.